

ximè probastis. Magisterio enim tanti Doctoris imbutos nihil, decet magis, quàm ut in addictissimâ huic Sanctâ Sedi fide, obedientiâque præcipuum suorum suorum fructum, & laudem collocent; & absonas refragantesque Apostolicis decreteris opiniones, non aversentur modò, sed per arma etiam lucis, & veritatis dissipent & evertant. Tantùm tamen abest, ut vicem vestram doleamus, ut vobis potiùs gratulemur; quòd hac etiam in parte causa vestra ab hujus Sanctâ Sedis rationibus sejuncta esse non potuerit; quòdque aliena prorsùs calumniòsæque interpretationes ad conflandam memoratâ Constitutioni invidiam temerè excogitatæ, ad injuriam quoque vestri nominis redundarint. Ceterùm non adèd vobis erat, aut dolendum, aut mirandum, quòd cum ipsis divinatorum librorum miraculis, & Apostolicis definitionibus pro impotenti, obfirmatoque partium studio passim vis afferuntur hac eadem contentionis, pervicaciæque licentia Angelicam Doctrinam attentare non dubitaverit. Illud potiùs jure mirandum, quòd tam præpostero Consilio in hac causâ locus esse potuerit, ubi sancti Thomæ exploratissimis sententiis damnati errores disertissimè confutantur. Quandoquidem Omnipotentis Dei providentiâ factum est (a) ut Angelici Doctoris vi ac veritate doctrina, non solum innumera, quæ vel ipsius atate vel antea grassata sunt, sed multa etiam quæ deinceps exorta sunt hæreses, confusa & convicta dissiparentur. Magno igitur animo contemnite, dilecti filii, calumnias intentatas sententiis vestris, de Gratiâ præsertim per se & ab intrinseco efficaci, ac de gratuitâ Prædestinatione ad gloriam sine ullâ prævisione meritorum, quas laudabiliter hætenus docuistis, & quas ab ipsis SS. Doctoribus Augustino & Thomâ se hausisse & verbo Dei, summorumque

Pon-

(a) Pius V. in Bullâ *Mirabilis Deus*. 1567.